



**INFORMACIJA U VEZI ZAKLJUČNIH RAZMATRANJA KOMITETA ZA PRAVA OSOBA SA
INVALIDITETOM O INICIJALNOM IZVJEŠTAJU BiH
27. MART I 28. MARTA 2017. GODINE, ŽENEVA, ŠVAJCARSKA**

I. Uvod

Bosna i Hercegovina je ratifikovala Konvenciju o pravima osoba s invaliditetom i Opcioni protokol 12.03.2010. godine (bez rezervacija ili izjava), a ista je stupila na snagu 11.04.2010. godine („Službeni glasnik BiH – Međunarodni ugovori“, broj 11/09).

Prihvatanjem ove Konvencije Bosna i Hercegovina je preuzela obavezu implementacije ove Konvencije i redovnog izvještavanja o njenoj implementaciji. Prvi izvještaj o provođenju UN Konvencije o pravima osoba sa invaliditetom se podnosi dvije godine nakon ratifikacije.

Ministarstvo za ljudska prava i izbjeglice Bosne i Hercegovine kao resorno ministarstvo koordiniralo je aktivnosti na izradi inicijalnog Izvještaja o provođenju Konvencije o pravima osoba sa invaliditetom u Bosni i Hercegovini (u daljem tekstu: Izvještaj) koji je izrađen tokom 2012. godine i upućen Komitetu za prava osoba sa invaliditetom u februaru 2013. godine.

Nakon podnošenja inicijalnog Izvještaja obaveza Bosne i Hercegovine je da svake četvrte godine podnosi periodični izvještaj.

II. Priprema izvještaja

Prvi Izvještaj je izrađen prema Smjernicama za specifične dokumente koje podnosi država članica prema članu 35., stav 1., Konvencije o pravima osoba s invaliditetom, a koje su usvojene i objavljene od strane Komiteta za prava osoba sa invaliditetom.

Ministarstvo za ljudska prava i izbjeglice BiH je pismenim putem dostavilo svim nadležnim institucijama svih nivoa vlasti u BiH Smjernice Komiteta sa listom pitanja na koje je potrebno dati odgovore od strane svih relevantnih institucija.

U izradi Izvještaja učestvovali su:

- Ministarstvo za ljudska prava i izbjeglice BiH,
- Ministarstvo civilnih poslova BiH,
- Agencija za ravnopravnost spolova BiH,
- Federalno ministarstvo rada i socijalne politike,
- Federalno ministarstvo zdravstva,
- Federalno ministarstvo obrazovanja i nauke,
- Federalno ministarstvo za pitanja boraca i invalida odbrambeno oslobodilačkog rata,
- Federalno ministarstvo prostornog uređenja,

- Ministarstvo zdravlja i socijalne zaštite Republike Srpske,
- Ministarstvo prosvjete i kulture Republike Srpske,
- Ministarstvo rada i boračko invalidske zaštite Republike Srpske,
- Ministarstvo prostornog uređenja, građevinarstva i ekologije Republike Srpske,
- Ministarstvo porodice, omladine i sporta RS,
- Odjeljenja za zdravstvo i ostale usluge Vlade Brčko Distrikta BiH i dr.

U izradi izvještaja učestvovalo je i Vijeće za osobe sa invaliditetom BiH koje je stalno savjetodavno i koordinaciono tijelo Vijeća ministara za pitanja prava osoba sa invaliditetom u čiji sastav su uključeni i predstavnici organizacija osoba sa invaliditetom iz Federacije BiH, Republike Srpske i Brčko Distrikta BiH. Nakon izrade nacrtu Izvještaja isti je dostavljen na mišljenje relevantnim institucijama čije su primjedbe i sugestije ugrađene u Izvještaj. Izvještaj je bio na javnoj raspravi i objavljen je na web stranici Ministarstva za ljudska prava i izbjeglice BiH.

Inicijalni izvještaj usvojen je od strane Vijeća ministara BiH na 35. sjednici održanoj 17.01.2013. godine i upućen prema Komitetu za prava osoba sa invaliditeom.

III. Prezentacija izvještaja

Komitet za prava osoba sa invaliditetom je zakazao prezentaciju Izvještaja od strane delegacije Bosne i Hercegovine za 27. i 28. marta 2017. godine u palati Ujedinjenih nacija (Palais des Nations) u Ženevi, Švajcarska.

Ministarstvo za ljudska prava i izbjeglice Bosne i Hercegovine je pismenim putem uputilo dopis vladama entiteta i Brčko distrikta BiH i ministarstvima na nivou BiH i zatražilo zvanično imenovanje članova Delegacije BiH za prezentaciju izvještaja. Komitet je u svom pismu zatražio da se u bh delegaciju uključe i osobe sa invaliditetom, te su ispred Vijeća za osobe sa invaliditetom BiH imenovane dvije osobe.

Bh delegacija za prezentaciju Izvještaja o provođenju Konvencije Ujedinjenih nacija o pravima osoba sa invaliditetom u Bosni i Hercegovini, imala je sljedeći sastav:

1. Lucija Ljubić, ambasadorica BiH pri Ujedinjenim nacijama u Ženevi
2. Saliha Đuderija, Ministarstvo za ljudska prava i izbjeglice BiH, šef delegacije
3. Tijana Borovčanin-Marić, Ministarstvo za ljudska prava i izbjeglice BiH, član delegacije
4. Elvira Bešlija, predsjednik Vijeća za osobe sa invaliditetom BiH u prvom mandatu, predsjednik Vijeća organizacija osoba sa invaliditetom Federacije Bosne i Hercegovine i generalni sekretar Savez paraplegičara i oboljelih od dječije paralize Federacije Bosne i Hercegovine, član delegacije ispred Vijeća za osobe sa invaliditetom BiH i predstavnik organizacija osoba sa invaliditetom
5. Zoran Dobraš, predsjednik Vijeća za osobe sa invaliditetom BiH, predsjednik Koordinacionog odbora invalidskih organizacija Republike Srpske, član delegacije ispred Vijeća za osobe sa invaliditetom BiH i predstavnik organizacija osoba sa invaliditetom
6. Ermin Terko, Ministarstvo civilnih poslova BiH, član delegacije
7. Dobrica Jonjić, Federalno ministarstvo rada i socijalne politike, član delegacije
8. Esma Palić, Federalno ministarstvo rada i socijalne politike, član delegacije
9. Nataša Stevanović, Odjeljenje za zdravstvo i ostale usluge Brčko distrikta BiH, član delegacije
10. Rajko Kličković, Ministarstvo rada i boračko invalidske zaštite Republike Srpske, član delegacije

Komitet za prava osoba sa invaliditetom je 12. aprila 2017. godine objavio zaključna razmatranja i preporuke za Bosnu i Hercegovinu.